



USURBILGO MUSIKA TALDEEK HARANEKO ENTSEGU LOKALAK ERABILTZEKO ARAUTZEN DUTEN OINARRIAK

1.- Xedea

Ezaguna da Usurbil kultur anitz eta talde ezberdinek osatutako herria dela. Gazteen artean musika taldeek indar handia hartu dute azken urte hauetan.

Hau praktikan jartzeko eta ikusita arazo ezberdinekin egiten dutela topo gazteek, Udalak erabaki zuen lehenengoz 2004an egungo haur eskolako lokaletan baimentzea jarduera eta gerora 2008an Harane futbol zelaieko instalazioetan bi lokal insonorizatu eta bertan entsaiatzeko tokia egokitu zuen -A eta B lokalak- (ikusitako Eranskina)

Aipatutako datatik aurrera eta gaur arte, eskatu bezala eman izan dira baimenak, tokia bete arte eta hasieran baimendutako taldeek egun, iraunkor maila batekin jarraitzen dute entsaiatzen.

Lokal bakoitzean sei taldek entsaiatzeko aukera dago, behar bat bezala jotzen baitute musika taldeek bertan hainbat instrumentu prest izatea, honek espazio aldetik suposatzen duen baldintzarekin.

Bitartean talde berriak sortzen joan dira eta lokal horiek erabiltzeko araurik ez dagoenez Udalak ezin die entsaiatzeko aukerarik eskeini eta gainera zaildu egiten du taldeen errotazioa bermatzea egokitutako udal lokaletan.

Ondorioz, Udalak, herriko musika taldeei aukera berdinak bermatze aldera, beharrezkoa jotzen du lokal horien erabilerarako ondorengo oinarriak onartzea.

Honakoak dira oinarri hauen helburak:

- Musika taldeei entseguetarako prestatuta dauden lokaletara sarbidea ematea.
- Sortzen diren talde berriek ere aukera izatea.
- Musikari gazteek egindako eskariei erantzutea.
- 12 hilabetez entsegurako udal lokalean tokia izatea asteko txandetan.

Entsegu aretoetarako sarbiea, funtzionamendu eta koordinazioa Zerbitzuetako Sailak zuzenduko du.



2.- Hartzaileak

- 2.1 Lokal horietan entsegurako txanda Usurbilgo musika taldeek eskatu ahalko dute, baina taldearen sorrera edo ibilbidea gutxienez 6 hilabetekoa izan behar du eta horren jakinarazpena Udalari, zinpeko aitortza baten bitartez egingo da. Zinpeko aitortza taldearen ordezkari edo tutoreak sinatuko du.
- 2.2 Usurbilgo taldetzat hartuak izan daitezen, baldintza hau bete beharko dute: *"taldekideen %50ak Usurbilgo udalerrian erroldatuta egon behar du"* eskaera aurkezteko momentuan.

Eta talde bakoitza irizpide hauen arabera baloratuko da:

- a) Partaideen errolda
- b) Partaideen adina (eskaerako abenduaren 31ko data)
- c) Talde berriek lehentasuna (partaideren batek errepikatzen badu balorazioan eragina izango du)

3.- Eskaeren aurkezpena eta programaren indarraldia

- 3.1 Entsegu lokalak erabiltzeko eskaerak udal erregistroan aurkeztuko dira deialdia GAOn argitaratzen direnetik azaroaren 15 arte. Eskaeren azterketa eta entseguak egiteko lokalen erabilera lagapenaren proposamena Zerbitzuetako Sailak egingo du.
- 3.2 Eskabideak, oinarri hauekin batera, II. Eranskin gisa aurkeztu den ereduaren araberrakoak izango dira, eta eskatzaileen datuekin beteko dira, bertan adieraziko da zein egunetan erabili nahi den lokala baita ordutegia, eta txanda ere.
- 3.3 Eskabideekin batera, taldekide bakoitzaren NANaren fotokopia aurkeztuko da.
- 3.4 Ikusiko balitz eskabide-egileak aurkeztutako dokumentazioa ez dagoela osatua edo ez dituela betetzen deialdi honetan eskatzen diren betekizunak, 10 laneguneko epea emango zaio interesatuari, hutsegiteak zuzentzeko edo nahitaezko dokumentuak aurkezteko, jakinaraziz hori egingo ez balu eskaerari uko egiten diola ulertuko dela, eta, ondorioz, eskaera artxibatu egingo dela beste inolako tramiterik egin gabe, indarrean dagoen araudiaren arabera.
- 3.5 Entsegurako lokalaren erabilera lagapena urte bakoitzeko urtarrilaren 1etik abenduaren 31 arte indarrean egongo da. Urtero zerrendak errebisatu eta baloratuko dira, beti ere itxaron zerrendan edo eskaerarik badago urteko azaroak 15a baino lehenago, bestela ulertuko da ez dagoela interesatutako talderik.
- 3.6 Eskabidea onartu ondoren, talde bakoitzeko titularrak esleitutako lokalaren erabiltzeko baimena kontratu-dokumentua sinatuko du.



4.- Erabilera lagapena emateko prozedura

- 4.1 Eskabideak aurkezteko epea amaituta, eskabideen balorazioa egingo da eta onuradunen zerrenda puntuazioaren arabera erabakiko da. Aipatutako zerrenda hori udaletxeko iragarki taulan eta web orrian jarriko da ikusgai.

Eskabideak aztertu eta klausula honetan ezarritako irizpideen arabera baloratuko dira. Balorazioan berdinketa gertatuz gero, zozketa bat egingo da onuradunak hautatzeko.

Zerrendako 1, 3, 5, 7, 9 eta 11. postuan geratzen diren taldeak A lokalean entsegatuko dute eta 2, 4, 6, 8, 10 eta 12. postuan geratzen direnak B lokalean arituko dira. Beti ere, taldeen artean adostasunez egindako aldaketak onartuko dira.

Lokal bakoitzeko erabiltzaileen artean adostu beharko dituzte txanda eta ordutegiak eta horretarako ez du inork lehentasunik izango. Adostasunik ez bada lortzen taldeen artean, Udalak zehaztuko ditu txandak eta ordutegiak.

- 4.2 Balorazio irizpideak

Lokalak erabiltzeko baimena publizitatearen, berdintasunaren eta lehia-erregimen irizpide objektiboen arabera egingo da. Esleitzeko irizpide hauek hartuko dira kontuan:

a) Partaideen errolda: 30 puntu arte

Usurbilen erroldatuta	Puntuak
Partaideen %100arte	30
Partaideen %75arte	20
Partaideen %50a	10

Edonola ere 2.2 klausulan aipatutako baldintza bete beharko da

b) Partaideen batz besteko adina: 20 puntu arte

Taldeko kideen batz besteko adina	Puntuak
20 urte arte	20
21-25 urte bitartekoak	15
26-30 urte bitartekoak	10
31-35 urte bitartekoak	5
35 urte gorakoak	0

Edonola ere 2.2 b) klausulan aipatutako baldintza kontuan izango da



c) Lokalaren erabileran talde berriak lehentasuna: 10 puntu arte

Lokaletako erabileran taldeak zenbat urte bete dituen	Puntuak
Talde berriak (lehenbiziko urtea)	10
Hiru urte arte (1, 2 edo 3 urte)	8
Bost urte arte (4 edo 5 urte)	6
Zazpi urte arte (6 edo 7 urte)	4
Zazpi baino gehiago	2

Edonola ere 2.2 c) klausulan aipatutako baldintzaren arabera, talde berriak errepikatzen duen taldekide bakoitzagatik taldeak 2 puntu gutxiago jasoko ditu balorazioan.

- 4.3 Eskabideak aztertu eta irizpide horien arabera puntuatuko dira, horretarako puntuak gehituko dira, gehienez, 60 puntu lortu arte. Edonola ere 2. artikuluan aipatutako baldintzak bete beharko dira.
- 4.4 Eskaren balorazioan berdinketa gertatuko balitz, ZOZKETA egin eta itxaron zerrenda bat egingo da gerta litezkeen bajak edo proposatutako baldintzen ez betetzeak estaltzeko.
- 4.5 Zerbitzuetako Saila arduratuko da eskabideak aztertzeaz eta baloratzeaz, deialdi honetan ezartzen diren irizpideen arabera, eta aipatutako lokalak erabiltzeko baimen proposamena organo eskudunak egingo du.
- 4.6 Behin betiko esleipendunen ebazpena aurretik, interesatuei behin behineko esleipendunen proposamena aurkeztuko zaie, informazioa emateko eta hala badagokio, 10 lanegunetan egokitzat jotzen dituzten alegazioak aurkez ditzaten.
- 4.7 Lortutako puntuazioaren inguruan planteatu litezkeen kontsultak edo erreklamazioak udaleko erregistroan aurkeztu beharko dira, gehienez 10 laneguneko epean, iragarki taulan argitaratzen diren kontakutara. Ez dira inolaz ere tramite honetan baloratuko aurretik akreditatu ez diren betekizunak, eskabidean azaldu direnak izan ezik eta, horretarako, ezarritako epean justifikazioa emateko ezintasuna adierazi beharko da.
- 4.8 Erreklamazioak aurkezteko epea amaituta, behin betiko esleipenaren zerrenda agertuko da idazten den ebazpen proposamenaren barruan, eta hala behar izanez gero, ordezkapenezkoa ere bai, eta dagokion organoari, Alkatetzari, bidaliko zaio, onets dezan.
- 4.9 Adierazitako epetik kanpo egindako eskabideak onartuko dira baita barematu ere; horrela, bakarka edo konkurrentzian beste eskabideekin batera, baimendutako taldeen artean bajak edo uko egiteak gertatuz gero, baimendu ahal izango dira eta baldin eta ordezkatzeko zerrenda iraungita badago.



- 4.10 Baimena aldi baterako izango da, eta, horrenbestez ez da guneen gaineko inolako eskubiderik izango hitzartutako epetik kanpo.

5.- Taldeentzako araudia

- 5.1 Talde bakoitzak esleitutako lokala erabiliko du. Sei taldeek erabiliko dute lokal bakoitza. Lokal bakoitzean egiten diren entsegu txandak tokatutako taldeen artean adostu beharko dituzte, eta ez dira aldatuko, eskatzaileen eta udalaren artean beste akordio bat egiten ez den bitartean.
- 5.2 Talde batek ez badu hiru hilabetez jarraian udal lokala erabiltzen, aretoa erabiltzeko eskubideari uko egin diola ulertuko da.
- 5.3 Taldeek aldi baterako eten ahalko dute lokalen erabilera, daukaten eskubidea mantenduz, hori egitea justifikatzen duen arrazoia badago, eta, horretarako, horren berri idatziz eman beharko diote Zerbitzuetako Sailari. Beste talde batek ordutegi horretan gune hori erabiltzea komenigarria den aztertuko du Udalak, titularraren jardura eteten denean.
- 5.4 Lokaletan taldeentzako ezinbestekoak diren altzariak besterik ez dira sartuko (bestelakorik ez da onartuko). Usurbilgo Udalak ez du bere gain hartuko taldeek bertan uzten dituzten musika-tresna edo materialen ardurarik.
- 5.5 Talde bakoitzaren ardura izango da instalazio guztiak zaintzea, bai erabiltzen dituzten lokaletakoak (komunak barne) eta Haraneko orokorrak ere. Irteera eramaten duten pasilloetan ez da pilatutako materialik utziko inoiz.
- 5.6 Erabiltzaileak derrigorrez arduratuko dira sor litezkeen hondakinak jasotzeaz. Lokal bakoitzeko garbiketarako plana erabiltzaileen artean adostuko da. Talde guztien ardura izango da udal lokalak egoera onean mantentzea. Garbitasun egoera eskasa bada, kalte gisatzat hartuko da erabiltzaileek egoera hori zuzentzen ez badute.
- 5.7 Gerta daitekeen edozein kalteren, haustura, instalazioen funtzionamendu desegokiren berri eman behar diote derrigorrez talde erabiltzaileek Zerbitzuetako Sailari, modu horretan ahalik eta lasterren akats horiek konpon daitezen eta instalazioak behar bezala zainduta mantentzen daitezen.
- 5.8 Aretoa erabiltzen dituzten musika taldeek dohain eta urtean behin, Udalak antolatzen dituen kontzertuetan eta beste jardura batzuetan parte hartzeko aukera egongo da beti ere taldeekin adostuz eta Udalak interesekoa ikusten duenean.
- 5.9 Taldekideak aldatzen direnean edo 2.2 art. aipatzen diren baldintzei eragingo liekeen aldaketaren bat gertatzen denean, horren berri eman beharko da aurreko puntuan ezartzen den prozeduraren arabera, eta Udalak dagokion erabakia hartuko du.
- 5.10 Gune hori erabiltzeko aldia amaitzen denean, ordenatuta eta modu txukunean behar bezala utzi beharko da.



- 5.11 Talde bakoitzak ordezkari bat izendatuko du Udalarekin harremanetan jartzeko. 16 urtetik beherakoen kasuan, adin nagusiko tutore bat izendatu beharko du taldeak edo partaideak.
- 5.12 Eskaera berriarekin batera taldeek, urteko lokalaren erabilpena eta egindakoaren txostena aurkeztuko dute (kontzertuak, maketak, eta abar....)

6.- Ordutegia eta sarbidea


- 6.1 Ordutegia. Entseguak goizeko 8.00tatik gaueko 00:00 artean egin beharko dira nahiz eta musika taldeek ordutegi horretatik kanpo sartu edo ateratzeko malgutasuna izan zama lanak edo antzekoak medio.
- 6.2 Sarbidea. Instalazioetara sarbidea ez da mugatuko. Hala eta guztiz, futbol zelaiaren instalazio orokorretik daukatenez sarrera musika lokalek eta materiala kargatu eta/edo deskargatzeko ibilgailua barrura sartu beharra gertatuz gero, futbol zelaiko erabiltzaileei eta ikusleei arazorik ez sortzea bermatu beharko dute.
- 6.3 Araudi hau betetzen ez duen edo interes orokorraren kontrako jarrera duen talde orori ukatu egingo zaio aretorako sarrera hilabete batez. Araudia behin eta berriz ez betetzeak eskubidea eman ahal du baimentzea baliogabetzeko.
- 6.4 Segurtasun, osasun eta garbitasunagatik erabat debekatuta dago entseguetako lokal barruan erretzea eta alkohola edatea.

7.- Azken xedapenak

- 7.1 Usurbilgo Udalak beretzat gordetzen du lokaleko erabilera-txandaren bat erabiltzeko eskubidea, prestakuntza xedeetarako edo musikarekin zerikusia duten ekintzak gauzatzeko, betiere taldeari aurrez jakinarazita.
- 7.2 Usurbilgo Udalak eta musika taldeek erabakiko dute elkarrekin ados jarrita, euren ordezkarien bidez, araudi honetan jaso gabeko guztiaren inguruan.



I.- Haraneko entsegu "A" eta "B" lokalak





II.- Eskaera orria

BEHEAN SINATZEN DUENAK Usurbilgo Udaleko Alkateari eskaria egiten dio, modu honetan: ESKATZAILEAREN DATUAK IZEN-ABIZENAK HELBIDEA HERRIA N.A.N.		TALDEAREN DATUAK			
		IZENA			HERRIA
		ORDEZKARI EDO TUTOREAREN DATOAK			
		IZEN-ABIZENAK			N.A.N.
HELBIDEA		HELBIDEA		P.K.	
HERRIA	LURRALDE	TELEFONOA	FAXA		
POSTA ELEKTRONIKOA		ORDEZKARIA	TUTOREA		

PARTAIDEEN IZENAK	Non erroldatuta	Jaiotza data	Erabiltzen diren musika-tresnak
1.-
2.-
3.-
4.-
5.-
Taldearen sorrera – urtea			

AURKEZTU BEHARREKO AGIRIAK

- Taldeko partaide guztien NANen fotokopia
- Taldearen 6 hilabeteko ibilbidea egiaztatuz taldearen ordezkariak edo tutoreak sinatutako zinpeko aitortza

ENTSEGUAK EGITEKO NAHIAGO DITUZUEN EGUNAK ETA ORDUAK

	ASTELEHENA	ASTEARTEA	ASTEAZKENA	OSTEGUNA	OSTIRALA	LARUNBATA	IGANDEA
EGUNAK	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
ORDUAK
...

Inprimaki honetako datu pertsonalak erasandakoaren onespenez jasotzen dira, tratamendu automatizatua izango dute eta Usurbilgo Udaleko Informazio Sisteman sartuko dira. Datu horiek udal kudeaketarako soilik erabiliko dira, eta beste administrazio publikoei edo besteri laga edo jakinarazi ahal izango zaizkie abenduaren 13ko 15/1999 Lege Organikoan (Datu Pertsonalak Babestekoan) aurreikusitakoa gertatzen denean. Interesdunek datuak eskuratzeko, ezeztatzeko, zuzentzeko eta aurka egiteko eskubidea erabili ahal izango dute Usurbilgo udalaren aurrean.

ESKATZAILEA (edo ORDEZKARI - TUTORE) (SINADURA) <p style="text-align: right;">USURBIL,.....</p>
--



Usurbilgo Udala

